

LAWATAN KERJA PANGLIMA ANGKATAN TENTERA MALAYSIA KE PU KUANTAN


airforce.mil.my/berita/acara-rasmi/3264-lawatan-kerja-panglima-angkatan-tentera-malaysia-ke-pu-kuantan

KUANTAN, 2 Apr 18 - Panglima Angkatan Tentera, YM Jen Tan Sri Raja Mohamed Affandi bin Raja Mohamed Noor telah mengadakan lawatan kerja ke Pangkalan Udara Kuantan hari ini. Lawatan kerja ini merupakan satu sesi dialog bersama Warga PU Kuantan yang bertujuan untuk menyelesaikan dan menyampaikan amanah yang dipertanggungjawabkan kepada beliau selaku Ketua Angkatan Tentera selain berjumpa dan mendengar permasalahan serta cadangan yang diutarakan secara terus oleh warga Pangkalan. Sesi dialog ini telah dikendalikan oleh Panglima Wilayah Udara 1, Mej Jen Datuk Hj Romlee bin Yahaya TUDM sebagai moderator.

Di sesi dialog itu beliau turut mengambil kesempatan bagi mengucapkan terima kasih kepada Timbalan Panglima Tentera Udara, YBhg Lt Jen Dato' Sri Ackbal bin Hj Abdul Samad TUDM yang sama-sama hadir di majlis tersebut. Di dalam sesi dialog tersebut YM Panglima Angkatan Tentera amat menekankan inisiatif-inisiatif yang diperkenalkan oleh Kementerian Pertahanan seperti syarat perkhidmatan baru bagi anggota lain-lain pangkat, Bantuan Bakti Negara (BBN), Skim Anuiti Veteran (SAVE), ASB-Zulu bagi anggota ATM dan Perumahan Satu Anggota Satu Rumah (SASAR). Beliau berkata kesemua inisiatif ini perlu diambil manfaatnya oleh seluruh Warga ATM khususnya Warga PU Kuantan.

Dalam ucapannya beliau turut mengingatkan tentang peningkatan kos sara hidup yang meningkat dari hari ke hari. "Berbelanjalah dengan berhemah dan janganlah dibelenggu hutang yang mampu mengganggu emosi dan prestasi kerja yang mana boleh membawa kepada penyelewengan dan rasuah", kata beliau di sesi dialog tersebut.

Terdahulu beliau turut menyempurnakan pemakaian pangkat kepada 10 orang anggota TUDM yang dinaikkan pangkat ke Pegawai Waran Udara II dan Pegawai Waran Udara I.



Turut hadir di sesi dialog ini adalah AKS Operasi Strategik, Mej Jen Dato' Mohd Faudzi bin Hj Ahmad TUDM; AKS KOMLEK TLDM, Laksamana Muda Dato' Aris Tan Abdullah; Ketua Pengarah Sekretariat MTU, Brig Jen Dato' Hanafiah bin Hj Abdul Manaf TUDM; Pegawai-pegawai Kanan TUDM serta Eksekutif Pangkalan.

